

藏




外

道

書

19

巴蜀書社



第十九册

藏外道书

李一氓



巴蜀书社

藏外道書第十九冊 宮觀地志類 目錄

龍虎山志

一

羅浮山志會編

五三

羅浮志

四一七

嶗山志

六三八

茅山全志

六八四

羅浮志

子家寶去羅浮不二百里而近當天宇澄碧山色歷歷
在眉睫間今雖宦游於外而寤寐未嘗忘也永樂八年秋
八月子自滁陽考績至京師偕同邑徵士袁友信訪神樂
觀道士徐子明鄧能宗談及茲山之勝徐鄧舊住山中因
出羅浮志乃宋是庵莊君所輯而後人所續者惜非刻本
卷帙弗全字多舛謬幸而指掌諸圖記猶在有足徵者二
人固請益正刪補予嘉其意之勤遂爲之考訂去取彙而
成編增至二十五卷寶安陳捷

羅浮志序

明龍溪校刊

羅浮志卷一

嶺南叢書

東莞 陳 樾 廷器撰

羅浮總論

羅浮山在惠州府博羅縣西北三十里漢志云浮山自會稽來轉於羅山故名博羅山閩中記云郭璞以福州霍童山卽是羅浮耳羅浮記云浮山乃蓬萊之一島堯時洪水所漂浮海而來與浮山合而爲一今山上猶有東方草木及翡翠五距越王山鷄元和志云山之峯四百三十有二南越志云山之高三千六百丈周回三百二十七里十五嶺三十二峯九百八十瀑泉本紀云山高三千六百丈周回五百二十七里茅君內傳云羅浮山有洞周回五里名曰朱明耀真洞天又曰句漏洞天東通王屋北通岱岳西通峨嵋南通羅浮有洞房石室七十餘所有瀑布垂流三十仞有奇石如削成謂之石樓山上有湖岸周回五里常應海潮此蓋前代紀載有不可得而致詳者然其峯巒雄秀泉石清妍嚴洞幽深雲霞明媚至若珍禽奇獸之繁育異草名花之駢生與夫琳宮梵宇之勝仙釋靈異之迹往往而在卽之者如在蓬壺員嶠間也因以其名迹著者表而出之俾知羅浮之勝不在五岳四鎮下也

洞天 道經云第七洞天

朱明耀真洞天在羅浮山青陽先生治之朱桃椎爲朱明洞主

福地 道經云三十一福地

泉源福地在羅浮山頂鄭思遠鍊丹處華子期治之

山

白水山在羅浮東麓舊有寺及懸水崖有巨人迹名佛迹瑋珣山在羅浮山之東山下池中有瑋珣因得名

泉源山在羅浮二山接連處俗呼分凹泉流淌急東流東山西流西山其下各成潭

峯

五鶴峯在羅山俗呼鵝嶺下接風洞雲洞雨洞在太慈寺洞內

鐵橋峯在羅浮二山相接處昔人遇鐵橋於此

羅浮志卷一

麻姑峯在冲虛觀之西南麻姑壇其上常有綵雲

了翁峯一名雙鳥峯在蓬萊洞之左

上界三峯上接鐵橋峯高三十仞在烟霞中人莫能到香臺峯會真峯櫻桃峯地球峯刀子峯錦繡峯黃猿峯致雲峯大旗峯小旗峯雲母峯鶴籠峯俱在東

飛雲頂高出諸峯上白玉蟾有詩

巖

羅漢巖在寶積寺後或云有穴通金壇山

伏虎巖在羅漢巖後隋僧惠越居此常引虎枕其膝因得名

青羊巖在上界第三峯頂上有羊迹

滴水巖在幽居洞之後

君子巖在長春觀前

雲峯巖在蝴蝶洞上

通天巖在君子巖側

洞

夜樂洞在上界三峯下昔人聞仙樂於此因得名

黃龍洞在延祥寺之西五里南漢於此建天華宮

朱明洞在冲虛觀後道書云朱真人所治榛莽不可入

觀源洞一名麻姑洞一名藥院在冲虛觀南葛仙翁洗藥之處

幽居洞在冲虛觀西北有鄭公書堂

羅浮志卷一

三

朝雅堂校刊

蝴蝶洞在雲峯巖下洞多蝴蝶世傳云葛仙遺衣所化

水簾洞在雲峯巖前水石最勝張祕書留丞相讀書於此

石洞在明福觀後即鄭仙騎牛人石處莫道人結菴居之

蓬萊洞在白鶴觀之東北

獅子洞在延祥寺西舊有道士普通結菴于此詳見王冑

獅子菴記

野人洞即唐王親所居處

桃源洞昔王寶在此坐化李文溪有詩

金沙洞有白洞朱冷洞泰和洞歐陽洞赤水洞白雲洞白

角洞大慈寺洞古老洞白芒洞枕榔洞大坑洞以上諸洞

昔人間有問題

谷

鳳凰谷在夜樂洞西舊傳谷有鳳凰出入

青霞谷在冲虛觀後蘇真人修真之所

穴

蛇穴在白鶴觀東北或云穴中有路通眉州晉單道開蟬

蛇之所

坑

龍王坑景泰禪師說法於此有神龍來聽因得名

澗

蒲澗東坡自註云安期生之故居澗中產九節菖蒲

溪

羅浮志卷一

四

朝雅堂校刊

雲母溪在鳳凰岡下其中出雲母石

羅陽溪在雙壽峯下出龍慈竹

潭

鳳凰潭在鳳凰谷昔有鳳來浴潭中有五色雲氣

上中下龍潭亦名西龍潭有瀑布泉三十仞

東龍潭在藥欄下潭上有五龍堂

犀牛潭在夜樂洞側昔人遇仙騎犀牛於潭上至今石上

有迹存焉

池

瑤池在山頂又名龍母池神仙常宴於此

阿母池在飛雲塔之西景泰禪師入定之處

夜樂池在飛雲塔側池中夜有樂聲

白蓮池在彩雲軒前

流杯池在藥槽下昔有八仙會飲於此其傍石上有八仙詩刻

崗

鳳凰崗在泉源山背何仙姑所居

石

佛迹石在白水山有佛迹甚異

試劍石二一在夜樂洞中軒轅仙人試劍一在雙峰峯

八仙石在流杯池上

伏虎石在竹屋有詩

羅浮志卷一

五

泉

錫杖泉在寶積寺崇禪師駐錫之地宋唐子西有卓錫泉記

瀑布泉在夜樂洞中上界三峯側飛三十仞

小水簾在明福觀左此處多隱者庵

湯泉在白水巖佛迹寺西眉山唐子西有記

村

梅花村即趙師雄醉臥梅花處

市

洞天藥市府判陳應斗有詩云肘後應難一一傳多將靈藥種神山仙禽來搗仙翁賣桃杖懸壺走世間

門

石門朱南金有詩云蒙茸披盡自成蹊兩扇巖扉丈尺齊說與白雲休鎖鑰將千古指人迷

羅浮志卷一

六

羅浮志卷一

譚瑩玉生覆校

羅浮志卷二

嶺南遺書

東莞 陳 捷 廷器撰

寺觀樓閣堂祠軒廊亭院庵寮壇塔橋廊齋館書院仙冢

凡山水之勝者多為琳宮梵宇所據矧羅浮為嶺南名勝
哉初山中寺觀樓閣之建非止一所金碧丹堊之飾煒煌
昭爛于崇岡秀嶺之上誠一時偉觀也歷年既久摧廢益
多幸而存者今亦無幾豈物之興廢亦有數耶洪惟聖明
廣雍熙之治脩廢舉墜實惟其時常見休祥香至龍章褒
崇恩輝炫煌照耀林壑而表偉觀於千萬年也今以前代
寺觀樓閣諸名備述於後俾探奇嗜古之士遊觀茲山者
有可考云

羅浮志卷二

寺

延祥寺梁蕭啓建唐明賜額

寶積寺在山腰三里餘朱朝賜額

龍華寺在山下有昌福夫人祠

南樓寺在石樓之南因得名

資福寺在山下

東林寺在雙髻峯下

花首寺在黃龍洞西

觀

冲虛觀在延祥寺東七里

酥醪觀在冲虛觀北葛仙北山庵基

長壽觀在酥醪觀西北乃南漢天華宮俗呼為南天華

明福觀在冲虛觀東三里南漢所建亦名九天觀東坡先

生書額

白鶴觀在冲虛觀東葛仙東山庵基

樓

大小石樓在山上十里一樓相去五里其狀如樓有石門

俯視滄海昔東坡有記云夜半見日出

閣

蓮萊閣在遺履軒前

中閣在山腰三里唐僧懷迪所建

澄虛閣在冲虛觀

羅浮志卷二

御書閣在寶積寺藏宋太宗真宗仁宗御書及景德賜佛

衣嘉祐賜藏經

圓通閣惠陽鄧諸有詩

堂

鄭公書堂在冲虛觀西北宋太府寺丞鄭珍嘗讀書於此

因名

祠

何仙姑祠梅蟠有詩

昌福夫人祠在龍華寺

軒

遺履軒在蓮萊閣後鮑仙葛仙夜談之所

綵雲軒在麻姑峯下

東軒近白雲庵

庵

黃野人庵近冲虛觀黃乃葛仙門人也嘗有啞虎守之

天華庵陳自立有詩

慈濟庵在黃龍洞

白雲庵舊有茶庵住庵者不著姓名但稱逍遙子今茶庵

亦名逍遙庵

雲峯庵昔有住庵者髮黃如金耳重聽不下山者三十七

年雪廬趙汝馭有詩云一庵移向白雲深丁卯年來住至

今烏弄蟬鳴都過耳心如鐵石髮如金

羅浮志卷二

三

山名錄卷四

見日庵在飛雲頂上趙雪廬嘗命黃道人居之有詩云莫

把桃花誤世間日方明處隱尤難道人辦得心空固好向

飛雲頂上坐

可賦庵乃雷丞相書堂在梅花村

亭

松風亭東坡有羅浮松風亭見梅花詩

院

西華道院在明福觀張元庵退居之所

廬

野人廬祖無擇有詩

臺

瑤石臺在浮山接鐵橋坐高五百六十丈有奇

花首臺在黃龍洞西後改花首寺

釣魚臺在冲虛觀左

壇

明月戒壇在延祥寺唐時度僧於此受戒

朱真人朝斗壇在朱明洞日蘇子瞻云近於壇上獲銅龍

六銅魚一

花首壇在黃龍洞佛書云花首菩薩五百會於此

劉仙壇在雙髻峯乃劉高尚真人打坐處石壇高百丈左

右生竹葉符鎮壓蛇虎

百尺壇唐明皇遣人祭山所

羅浮志卷二

四

山名錄卷四

塔

阿耨塔景泰禪師入定處一云梁蕭啓建塔三十六所今

猶有存者

飛雲塔在山頂上景泰禪師所建

橋

天漢橋在雲峯巖前

金仙橋在冲虛觀前

鐵橋橋有石路石柱望之如橋在羅浮二山相接處雲霧

常蔽人迹不到乃神仙之境

竈

丹竈在冲虛觀東坡昔薛川丹竈四字

藥槽

藥槽在流杯池上葛仙翁搗藥之所傍有臼三處

碓磑

水碓磑在香積寺東坡有遊香積寺見水碓磑詩

冢

衣冠冢在冲虛觀葛仙尸解葬其衣冠

佛像

鐵佛像在延祥寺西域所獻者

銅佛像在寶積寺東坡遊山記云飲景泉禮天竺瑞像
卽此也

鐵玉皇像及二侍從像在冲虛觀南溪所鑄

羅浮志卷二

五

鐵佛手延平陳瓊有詩

羅浮志卷二

譚瑩玉生覆校

羅浮志卷三

嶺南道書

東莞

陳樾

廷器撰

雜志

宋紹聖中眉山蘇公予瞻謫居惠陽凡四年往來羅浮多有紀述後皆湮沒無聞紹興中教官陳中始於公文集中錄其數事登于志樾因服之與山中靈迹物產合而書之以便觀覽

東坡雜書數事 政單道開傳後

葛稚川與單道開皆西晉人沒於東晉又皆隱於羅浮使稚川見道開必有述焉而抱朴子內篇論皆不及道開豈稚川昇化時道開尚未至羅浮也耶稚川乞句漏令遊南海送人羅浮按本傳在至和初而道開自鄴至江南在昇平三年以後相去蓋三十餘年必稚川先化也紹聖四年九月余始至羅浮洞中間山中人則道開無復遺迹矣亦不知石室所在獨書此傳道沖虛觀道士鄧守安以備山中逸事

羅浮志卷三

嶺南道書

海送人羅浮按本傳在至和初而道開自鄴至江南在昇平三年以後相去蓋三十餘年必稚川先化也紹聖四年九月余始至羅浮洞中間山中人則道開無復遺迹矣亦不知石室所在獨書此傳道沖虛觀道士鄧守安以備山中逸事

記羅浮異境

有官吏自羅浮都虛觀遊長壽觀中路復見道室數十間有道士踞檻坐見吏不起吏大怒使人詰之至則入室皆亡矣乃知羅浮凡聖雜處似此等異境平生脩行人有不得見者更何人乃獨見之正使一凡道士見已不起亦何足怨吏無狀如此得見此者必有緣也

記劉夢得有詩記羅浮半夜見日事

山不甚高而夜見日此亦異也山有二樓今延祥寺在南樓下朱明洞在冲虛觀後云是蓬萊第七洞天

記侯道華事

唐永樂道士侯道華嘗遊羅浮後得道上帝賜其姓名李內芝道華竊食鄧天師丹仙去永樂有無核棗人不可得道華得之余在岐下亦嘗得食一枚云

記山元卿蔡少霞事

唐有人夢至羅浮見新宮作銘云紫陽真人山元卿撰又有蔡少霞者夢至羅浮人遺其書碑末題云五雲閣吏蔡少霞書

羅浮志卷三

嶺南道書

題景泰禪師錫杖泉

予昔自下入淮泛江浙嶼歸蜀飲江淮水蓋彌年既至覺井水腥流百餘日然後安之以此知江之甘於井也審矣予來嶺外自揚子江始飲江水及至南康江益清駛水益甘則又知南江賢於北江也近度嶺入清遠峽水色如碧玉味亦益勝今日遊羅浮酌景泰禪師錫杖泉則清遠峽水又在下矣嶺外惟惠人喜鬪茶此水不虛出也

名何苓之

羅浮道士何宗一以其猶子為行童兒狀肥黑矮小子嘗戲之曰此羅浮茯苓精也俗諺曰下有茯苓上生兔絲因名之曰苓之字曰表絲且祝老何善待之壯長非庸物也

書松惠陽集載假松屏贊并序今錄此

予爲中山守始食北岳松膏爲天下冠其木理堅密瘠而不瘠信植物之英烈也謫居羅浮山下地賸多松而不識霜雪如高才勝人生執綺家與孤臣孽子有間矣士踐憂患安知非福已上九事係東坡所遺者

蔣仙論服雄黃

蔣仙云服雄黃以松脂和之令人長生除三尸玉女來傳可役鬼神玉女嘗以黃玉爲誌大如黍米在鼻上是真玉女若無誌者鬼試人也又云帶雄黃入山林卽不畏蛇虺若中人以少末傅之登時愈遊山者不可闕也

山中木客

羅浮志卷三

三

御製詩校刊

東坡詩云木客僂山猿又云山中惟木客蓋屢用木客事按徐鉉小說載鄱陽山中有木客自言秦時造宮採木於山中食木實遂得不死時就居民飲酒爲詩一篇曰酒盡君莫沽壺傾我當發城市多羣鹿還山弄明月羅浮必有此族也

天華宮事迹

羅浮山之西南漢主建天華宮有甘露羽蓋等亭雲華閣命中書舍人鍾有章作記初南漢主夢神人指羅浮山之西云延祥寺西北有兩峯相並一洞對流可以爲宮訪之得其地又夢金龍起於宮所遂改曰黃龍洞此地卽葛仙西庵至宋胡革命四方僭叛以次誅服劉氏懼焉將欲潛

遁羅浮爲後魏之穴又命於增江水口鑿濠通山往來山洞台卒爲航舟之計開寶四年乃始飯命則知劉氏爲宮卒於山間無事則爲臨寶之樂營意則爲通逃之所其計若矣

民得古劍

後唐天成中羅浮山民掘井得古劍有篆文曰丁與水同宮王將耳口同尹來居口上山岫護重重以獻僞漢主劉陔國人莫之辨廣南魏傳其言知者云宋太祖丁亥年降誕是己水同宮也於文耳口王爲聖尹口爲君重山爲出蓋丁亥年聖君出也

樵人遇仙

羅浮志卷三

四

御製詩校刊

白水巖羅浮之東麓也有樵人登絕頂忽遇長澗中有小石橋僅可容足隔澗有二人對基於林下俯列樽設異果有二小童侍樵人懼而歸集鄉人共求之已失其處矣

記石

唐白樂天太湖石記云奇章公嗜石東第南墅列而致之以太湖爲甲羅浮天竺次焉則知羅浮之石自唐以前珍重之矣然亦艱得也

瑞光

羅浮山頂常有電光每番舶自海外來未千里間則見山頂有光閃閃如電卽相喜賀舶人皆以此爲候有先見者眾必賞之今山上遇晴夜常有瑞光燦然居民熟見之

慶雲

宋孝宗淳熙元年惠州守臣奉詔建醮于羅浮山歲事之日天容紺碧風氣清美醮壇西北慶雲見輪囷都麗華景繽紛五色祥光上九霄漢有金龍迴翔其中白玉蟾記其事甚詳

籠慈竹

籠慈竹大可十圍世但聞其名而不識其物水簾洞有道人庵忽遇道侶自言姓黃託宿一宵及去留下青玉蔑一條可長二丈餘而無節蓋籠慈竹也或以道侶爲黃野人

九節菖蒲

九節菖蒲產於羅浮西麓之蒲澗石上一寸九節紫花者

羅浮志卷三

五

羅浮志卷三

爲佳奈安期生嘗採食之山中人以七月二十五日爲蒲澗節蓋安期生以是日在蒲澗上昇也

金線草

金線草山中靈異草也

七星松

七星松多產黃龍洞

竹葉符

竹葉符可以鎮壓蛇虎蓋竹葉上有文如符篆故云惟劉仙壇左右有之

丹竈泥

萬福川在羅浮脩鍊及仙去人於其鍊丹處掘土爲丸可

以療病

瑤臺石

羅浮有七十二石室而瑤臺石最佳林逋有詩

御園柑子

山中舊有柑子最佳唐朝亦嘗充貢故有御園柑子之名

石刻

昔人篆書羅浮二字字廣一丈許刻於石

啞虎巡山

茅君內傳云羅浮山上有湖岸周迴數里響應海潮有鐵橋石柱人不到者而有啞虎巡山云

五色雀

羅浮志卷三

六

羅浮志卷三

羅浮有五色雀各被方色非時不見若上大夫將遊山則先翔集寺僧以此爲候其尤可愛者朱藍正色若朝服焉鐵冠黑色者司其進止余襄公靖有五色雀詩

紅翠

皮日休寄題軒轅先生所居詩云紅翠數聲瑤室響註云紅翠鳥名也

羅浮志卷三

譚瑩玉生覆校

羅浮志卷四

嶺南遺書

東莞 陳 樾 廷器撰

神仙 女仙釋道附

羅浮爲洞天福地之所以故歷代葆熙煥醇超然遐舉之士恆居之及其終也飛騰解化遊神丹臺靈駕寥青山如故然世昔靈迹猶歷歷可徵舊志逸之非闕典歟樾因閱真仙體道通鑑與四方雜記得神仙之在羅浮者若鄭安期葛稚川白玉蟾等三十一人鮑仙姑等五人名僧高道若景泰禪師神定道人等又七人其靈異之迹灼然可紀因載其畧

鄭安期 素人

羅浮志卷四

粵雅堂校刊

鄭安期世稱爲安期生瑯琊阜鄉人賣藥東海邊時人皆言千歲翁秦始皇東游請見與語三日三夜始異之賜金璧度數千萬由阜鄉亭皆置而去以赤玉鳥一輛爲報留書曰千歲求我於蓬萊山始皇卽遣徐市盧生等數百人入海未至蓬萊山輒遇風波而還安期嘗遊羅浮後隱廣州之蒲澗後以道授馬明生馬授陰長生陰授爾朱先生云

朱靈芝 漢人

朱靈芝不知何許人隱羅浮山安期生授以金丹之旨後得道治朱明耀真洞天

陰長生 漢人

羅浮志

陰長生新野人間馬明生得度世法乃入諸名山求之到南陽太和山中與明生遇遂師事之明生不授以道居十餘年未嘗懈怠同時有共事明生者十二人皆怨恚而去長生禮敬彌篤明生數因言語得失之際屢責罵之長生和顏悅心奉謝不及積二十年明生始問其所欲長生跪曰惟乞生爾今以糞草之身委質天匠不敢有所汲汲憚於遲速也明生矜其志乃以太清金液神丹授之後得道入武當山石室中復居羅浮山鐵橋峯下後入忠州平都山修鍊服丹白日昇天著書九篇多言上古仙者不可具記

蘇元明 漢人

羅浮志卷四

二

粵雅堂校刊

蘇元明不知何許人嘗於羅浮山青霞谷修鍊大丹後得道不知所終

任敦 漢人

任敦博昌人也少在羅浮學道後居茅山南洞行斗步之道及洞元五符能召役鬼神隱身分形嘗居山舍虎狼不敢觸犯

桃俊 漢人

桃俊字翁仲錢塘人明經術災異晚爲交趾太守漢末棄官入增城山中學道遇東郭幼平幼平秦時人久隱增城得道者幼平教俊服九精煉氣輔星在心之術俊服之道成嘗往來羅浮云

鮑觀

鮑觀字太元陳留人也年五歲語父母云本是曲陽李家兒九歲墮井死其父母等訪得李氏推問皆符驗觀學兼內外明天文河洛書後為南海太守以道術見稱嘗行部入海遇風饑甚取白石煮食以自濟時葛稚川居羅浮與稚川善常往來山中或語論達旦乃去人見其來門無車馬獨雙燕往還或怪而候之則雙履也塘城集仙錄觀以女妻葛洪觀後避丹陽卒葬于石于岡後遇蘇峻亂發棺無尸但有大刀而已賊欲取刀問家左右有兵馬之聲顧之驚駭中聞其刀勾然有聲若雷震之音眾賊奔走賊平之後收刀別復葬之晉書云嘗見仙人陰君授道訣百餘

羅浮志卷四

三

歲卒

葛洪

葛洪字稚川丹陽郡句容人少好學家貧躬自伐薪以負紙墨夜輒寫書誦習遂以儒學知名性寡慾無所愛寵尤好神仙導養之法從祖元英時學道得仙號曰葛仙公以其煉丹秘術授弟子鄭隱洪就隱學悉得其法晉成帝咸和初司徒王導召補州主簿後選為散騎常侍領大著作洪固辭不就以年老欲煉丹以期遐壽聞交趾出丹砂乃求為句漏令帝以洪資高不許洪曰非欲為榮以有丹砂帝從之洪遂將子姪俱行至廣州刺史鄧嶷留不聽去洪乃止羅浮山煉丹在山積年優游閑養著述不輟其自序

羅浮志卷四

四

云洪慨乏進趣之才偶好無為之業假令奮翅則能凌厲元霄騰足則能追躡風景猶欲戰勁翮於斥鷃之羣藏迹於敗壁之伍何況大塊果我以尋常之短羽造化假我以至驚之卷足自卜者審不能者止豈敢力若蠅而慕冲天之舉策跛隨而追飛兔之軌哉是以望絕於榮華之塗而志安乎窮壤之城莫常有八珍之甘蓬華有藻梲之樂也世儒徒知服膺周孔莫信神仙之書不但大而笑之又將謗毀真正故予所著曰內篇外篇凡一百一十六篇雖不足藏之名山且欲緘之金匱以示識者自號抱朴子因以名書洪博聞深洽江左絕倫著述篇章富於班馬又精辨元韻析理深微後忽與嶽疏云當遊行尋師刻期便發

黃野人

黃野人葛稚川之弟子也或云稚川棲山煉丹野人隱之葛既仙去留丹於柱石之間野人自外至得一粒服之為地行仙今肉身常在世間有緣者或遇之有樵夫愚脚若久年不瘳隔溪喚之使前削木皮傅之令閉目隱痛少